

光緒重修天津府志

重修天津府志卷三十三

考二十四

經政七

權稅

宋

建隆初詔除滄德棣淄齊鄆乾渡三十九處緡錢

水漲聽民置廢勿收其算

宋史食貨志

熙甯十年以前諸州商稅歲額五萬貫以上滄二

十二務五萬貫以下澶十務瀛七務永靜軍九務

真定十五務三萬貫以下冀七務雄一務邢七務

定十七務洺九務深五務磁十一務趙六務保一

重刊元朝戶口  
務永甯一務一萬貫以下莫三務霸三務信安一

務五千貫以下廣信一務順安二務

文獻通考

熙甯十年以前諸州酒課歲額十萬貫以上滄二

十三務真定八務定六務五萬貫以上檀九務冀

十四務瀛七務邢十二務洺十一務深五務趙七

務五萬貫以下磁十二務祁三務保一務三萬貫

以下鄭四務雄一務安肅一務永甯一務廣信一

務順安一務北平一務一萬貫以下信安一務保

定一務

同上

元豐八年濱棣滄州竹木魚果炭箔稅不及百錢

者蠲之

宋史食貨志

國朝

按會典載天津關稅銀四萬四百六十四兩

原額河西

務三萬五千八百四十七兩二錢順治十三年減四千九百四十七兩二錢康熙元年移駐天津關併征天津道稅銀四千一百八十兩二

十五年增五千三百八十四兩

前志

天津關稅卽鈔關也康熙以前專差戶部司員至五十五年停止關差歸併直隸總督管理雍正十二年交巡視長蘆鹽政御史兼管咸豐十年裁鹽政缺改設三口通商大臣兼管天津關務同治九年裁三口通商大臣缺改設津海關道監督新鈔

兩關其額徵銀兩月列於后

一戶部正額銀四萬四百六十四兩一銅斤水腳  
銀七千六百九十二兩三錢一分三釐一盈餘銀  
二萬兩一內務府額外盈餘銀一萬二千三百八  
十兩八錢一分一本關支銷經費並部科等處飯  
銀一萬三千餘兩

檔冊

咸豐十年各國通商約定以天津一口距京甚近  
因設三口通商大臣駐津兼轄烟臺牛莊關稅事  
務延洋員經理名曰新關稅務司設於紫竹林租  
界同治九年裁通商大臣歸併總督兼北洋大臣

管理復設津海關道監督新鈔兩關始有專員凡

西洋火輪夾板各船貨稅儘收儘解無定額采訪冊

天津海稅隨徵隨解歲無定額前志

天津海稅派委就近道府大員監收每年額徵銀

二萬六千兩按四季解部贏餘銀一萬四千兩解

儲藩庫充公按四季報部如又有贏餘儘數報解

儻有缺額在於監收之員名下按數分賠戶部則例按

天津鈔關海稅前志時係天津縣徵收嘉慶十二

年奏委天津道管理歷年海運糧船帶貨二成免

其納稅又奉戶部議覆御史胡壽椿等奏免米稅

及淮軍食米並采買平糶賑濟米糧均奏准免稅

道光二十三年奏准天津關查驗閩廣商船於葛沽海河口岸設關遴派委員丁書驗貨收稅其天津道所轄之海關設於葛沽西擺渡口兩關各立界牌遴委員弁互相稽查

同上

天津海稅凡津甯海船及江浙閩粵等船裝載貨物雜糧駛進大沽海口者在此納稅額徵銀四萬兩自咸豐以後各國通商輪船夾板裝來貨物均歸新關收稅兼之海運沙甯各船搭裝貨物減免稅銀每年僅徵正額盈餘銀九千兩零解部正額銀五千八百六十餘兩解司盈餘銀三千一百五

十餘兩

檔冊

天津海稅向以奉天米豆運船爲大宗始自康熙年間以津邑瀕海糧儲不足半資奉省米豆准由商民運船往來因征海稅嗣於乾隆四年官定采買新章擇海船殷戶承運謂之戶長初歲運牛莊米豆七千二百石嗣益錦甯廣義四州縣視前幾加三倍又以外洋通商利歸輪船夾板運船日少戶長賠累頓深充當者輒至破家無由解免光緒十四年天津道胡燏棻詳請總督飭奉直兩省明定新章自光緒十三年始三運米豆皆由天津道



雇船裝運由是戶長名目始獲銷除

采訪冊

釐捐總局在北門外五彩號胡同同治十年正月設先是天津有義館釐捐歸員董經手歸公無幾總督北洋大臣李鴻章由官辦遵照奏定章程按貨估計每銀一兩抽捐五釐委道府經理其事並於大紅橋陳家溝馬家口雙廟街楊柳青老龍頭及甯河縣境閘莊閘口等處設分局七所歲收約數萬金解海防支應局公用

槽船捐局在北門外茶店口官船局內分卡二一在陳家溝一在紅橋槽船向走西北兩河並無關

征由府委員及局董酌收船稅同治十年督院委員專辦光緒年間併歸官船局兼辦定收船稅春秋二季各收津錢五千文分解海防支應局兼資天津府縣辦公之費每年約征津錢五十餘萬串分成列解統歸天津津海關道具數核銷

官船稅局在北門外茶店口分卡二一在紅橋一在楊柳青同治九年督院以津郡水路通道商賈雲集船隻往來如織而北洋駐防各營差使繁重誠恐藉端滋擾公私兩誤飭天津道海關道仿照大名府官船局章程派員專辦無論何項緊要差

使悉由局派往應付不准私向河內封提其船價酌定中制一律遵行外有官車局章程略同

洋藥釐捐局同治元年二月三口通商大臣崇奏明設局派員抽收洋藥釐捐九年改歸關道經管光緒十一年總理各國事務衙門會同戶部議准推廣捐輸不分洋藥土藥發給華商行坐部票按票捐銀以助軍餉另設洋藥釐局並在滄州地方設立分局抽收土藥兼查洋藥偷漏十三年議准洋藥稅釐併征收歸新關稅務司經管天津捐局改爲稽征土藥兼洋藥緝私總局滄州分局改爲

土藥分局於光緒二十一年又將天津稽征土藥事宜歸併天津鈔關滄州土藥分局歸併地方官照章承辦天津總局設北門外歸賈胡同後街滄州分局設南門外河岸

附錄

通永道監督工部關木稅各口在天津府境者三岔河趙家場大沽海口陳家溝紅橋楊柳青等處向由通永道遴派委員書役駐局專收竹木船隻各稅每年應徵正額贏餘銀一萬一千十五兩七錢六分

俱同上

船料	舊例每鈔一貫折銀三分六尺一錢九釐補額
七釐	一錢二分八釐補額
六釐	一錢二分八釐補額
五釐	一錢二分八釐補額
四釐	一錢二分八釐補額
三釐	一錢二分八釐補額
二釐	一錢二分八釐補額
一釐	一錢二分八釐補額
餘銀四丈一錢二釐八釐補額	一丈二釐二錢五分九釐補額
分一釐	一錢二分八釐補額
二分	一錢二分八釐補額
六分	一錢二分八釐補額
二錢餘銀一丈五錢六分二釐補額	二錢六分二釐補額
錢一分二釐	一錢二分八釐補額
六錢七分三釐	一錢二分八釐補額
釐	一錢二分八釐補額
前志	一錢二分八釐補額
統赴工關報稅領照	一錢二分八釐補額
其稅則附錄備考	一錢二分八釐補額

雍正六年奏准天津大沽口販賣雜糧商船飭令天津縣查明取結一例給與照票其海口稅務卽

交與知縣管理並令大沽營遊擊驗票放行將每季所放之船造冊報部所給照票或有破爛令船戶呈請更換其寶坻北塘海口大小商漁船一應掛號給票使費亦令嚴行禁革交與該縣給發照票按額徵收儘收儘解

大清會典

天津沿海州縣前赴奉天運糧商漁船隻及奉天各海口運糧漁船均准其報明各該旗民地方官查取保結編號烙印造冊報部發給船票糧照聽其販運其在海口停泊上載卽責成該旗民地方官各於要隘處所實力巡察勿任偷漏亦不得索

擾滋弊天津奉天互相換驗回照彼此稽察仍嚴飭行店人等毋許多索行用飯錢儻有棍徒把持海口私充經紀擾累商民立即嚴查照例懲辦戶部  
則例

天津府清軍廳

田房稅契銀二百二十八兩二錢八分六釐前件

照數批解

新通志

天津縣

典當四十四座歲徵稅銀二百二十兩

房地稅契銀五百三十五兩二錢

官房稅銀八兩二錢

牙帖稅銀一百八十六兩四錢七分

馬驢牛騾等稅銀二兩五錢四分五釐

盈餘銀十八兩九錢五分

青縣

典當無

房產稅契銀十兩六錢五分

牙帖稅銀四錢二分

牛驢等稅銀十二兩一錢八分

盈餘銀七十三兩五錢



靜海縣

典當七座歲征稅銀三十五兩

房地稅契銀一百三十五兩二錢一分

牙帖稅銀十三兩五錢

牛驢稅銀九兩八錢四分

滄州

典當二座歲征稅銀十兩

房地稅契銀二百七十六兩六錢

牙帖稅銀十九兩六錢二分三釐

牛驢稅銀九兩八錢四分

南皮縣

典當五座歲征稅銀二十五兩

房地稅契銀三十三兩一錢六分

牙帖稅銀二兩五錢

牛驢等稅銀二十二兩二錢七分

鹽山縣

典當無

房地稅契銀一百二十四兩二錢

牙帖稅銀八兩

牛驢等稅銀三十五兩六錢七分

慶雲縣

典當一座歲征稅銀五兩

房地稅契銀十一兩

牙帖稅無

牛驢等稅銀八兩八錢俱同上

土產小棗運銷鄰邑同治年間邑令乃按車征錢  
五百民甚苦之光緒四年李傳棣知縣事時詳請  
豁除並立碑於板打營鎮永遠示禁

采訪冊

重修天津府志卷三十四

考二十五

經政八

祀典

天津府

天津縣附郭

社稷壇

在城西

天津縣各壇附府壇側前志

文廟

詳學校

先農壇

在城西

蔡啟盛案今在馬家口此西字蓋東之誤

神祇壇

在城南

俱同上

武廟

在城內西北隅卽故武學學廢廟存今亦

圯每歲除地以祭

采訪冊

關帝廟 官致祭者在城內戶部街采訪冊 民間

別建者一在西門外舊在南門內明永樂四年建

後移

前志

一在北門子城內

同上

明嘉靖年建

國朝雍正初重修

縣志

一在北倉

前志

一在河東陳

家溝 一在城東北隅名三義廟明永樂間重建

俱同上

國朝乾隆年重修

縣志

一在稍直口舊爲觀音堂明

季建

國朝康熙年改 一在東門外名崇甯宮康熙間總

兵藍理建

俱同上

今改名崇仁宮

采訪冊

一在費家

衡衡東

縣志

一在開口養濟院康熙年建 一在

城東盧家莊

一在大直沽明嘉靖年建初爲藥

王廟後改

一在南門內湧泉寺西 一在城西

姜家井迤西茶棚乾隆年重建 一在西沽浮橋

南 一在城東南田家莊 一在城西齊家莊康

熙年重建 一在南羊馬頭 一在灰堆明代建

初爲藥王廟後改 一在白塘口 一在小孫莊

一在鹹水沽 一在葛沽 一在碾坨背 一

在大沽 一在丁字沽西明代建

國朝嘉慶閒鹽政徵瑞重修改名西聖庵 一在楊

柳青 一在新城北門 一在新城東門 一在

開口迤西嘉慶年僧人禮通募建 一在蘆北口

一在泥沽舊在鹹水沽泥中間名茶棚庵同治

二年移建俱同上

文昌廟 官致祭者在西門外乾隆五十二年建

道光六年重修梅成棟文昌宮重修碑記節錄帝君乃主持文教尊神往古以來歷

昭顯蹟嘉慶六年崇列祀典津郡素奉威靈建宮城西在乾隆丁未迄今三十九年矣歲久失修牆垣傾圯紳等同心矢願捐募重修於道光丙戌七月興工邑紳侯肇安監理營治三月落成除正殿

補葺外添造後殿一座門房二間廚茶房各一間圍牆四十餘丈鋪地九十丈統計資費六千四百

四十餘千規模式廓丹堊一新

民間別建者一在東門內明永

樂閒建

前志

一在康家花園

同上

一在楊柳青

縣志

一在葛沽

同上

文昌閣

一在楊柳青明代建崇禎七年重建

前志

一在城西北小夥巷

縣志

府城隍廟

在城內西北明永樂四年建成化十

九年重修

前志

國朝雍正年縣人繆啟乾建後樓五間

縣志

同治八年

賜額

縣城隍廟

在府城隍廟西乾隆四十一年知縣

孫景曾建同治八年



賜額俱同上

新城隍廟 在水師營新城雍正七年都統錫拉

奏建前志

厲壇 在城北同上

火神廟 官致祭者在城內板橋衙衙咸豐間

賜額曰離德赫若同治閒

賜額曰光昭離曜縣志 民閒別建者一在東門外鹽坨

一在北門外 一在城西教場 一在西渡口

一在丁字沽 一在趙家場 一在城外閘口

寶林庵南 一在楊柳青河北 一在河東錦衣

衛橋 一在北門外河北名丙德庵 一在城西

馬莊名丙德林康熙十五年建俱同上

龍神廟 一在東門外開口前志雍正三年重修莽

立重修龍王廟記節錄今年春天不雨詢知鹽關之南有龍神祠為靈昭昭予亟聞於元戎徐公兩觀察年公段公及同城文武羣僚庶士即於是月二十有七日庚子以禋以祀虔告於神而衆商亦從予禱焉厥明辛丑二十有八日尙烈日炎風迨至未刻雷起兌方霖雨如注自申至夜分方止四野霑足及入五月長雷濛濛又日以相繼前之喜雨至是愁霖向之憂旱至是而苦澇矣予復憂之六月初壬申予再禱以求晴越朝果薰風自南雲斂日霽於是津之衆商觀神之靈且速如此皆曰神惠宜報也請公題額以昭其靈吾儕捐資以新其宇予忻從其議即首為捐金元戎觀察諸公皆樂助以成衆商之志予因為記以壽石

賜廟額曰弘仁廟

賜殿額曰承天下濟

一在西門

前志

一在西沽名龍泉

寺康熙三十八年重建

同上

一在大夥巷

縣志

一

在楊柳青

一在大直沽

同上

馬神廟

一在東門子城明宣德十年建因修城

毀

前志

一在大直沽

縣志

一在葛沽

一在楊柳

青

俱同上

八蜡神廟

一在城南八里臺

前志

一在河東李

家樓

縣志

海神廟

一在大直沽康熙三十七年奉

敕重建前有志

御製碑文恭載卷四

賜正殿額曰靜洪波

賜廟內觀音閣額曰潮音清梵

賜廟內水母殿額曰涵育

賜聯曰香塔魚山下禪堂雁水濱雍正三年奉

敕重修前有志

御製碑文恭載卷四乾隆三十一年奉

敕重修縣志有

御製詩石刻恭載卷四

御製碑文

恭載  
卷四

賜正殿額曰東渤安瀾

賜正殿聯曰導淀泊河沽歸墟効順互津瀛滄棣安堵蒙

床

賜廟內觀音閣額曰紫渤青蓮

賜廟內觀音閣聯曰印月千川妙觀察澄瀾萬頃靜聲聞

嘉慶閒

賜正殿額曰析木安流

賜正殿聯曰萬水會靈源星津叶象九河懷舊蹟海國安

瀾道光閒

賜正殿額曰功昭利濟

縣志

一在河東鹽坨名小聖廟

前志

小聖海神也舊有廟在天津河西

長蘆鹽法志

初名靈

應宮明崇禎三年因開運河敕建廟前石坊額曰

海晏錫庥明路王題

縣志

國朝順治六年移建

長蘆鹽法志

康熙間

敕封護國濟運顯應平浪元侯

陳廷敬海門鹽坨平浪元侯廟碑記節錄海門者海

水之所出入也茲土南距海百餘里日潮汐兩至

至時水勢澎湃洶湧逆河流而上之一出一入若

由戶達故名海門津門者衆流之所匯聚也舊有

神廟居河之西威靈赫奕無遠弗届凡南北仕宦

商旅之往來茲途者靡不祭祭必虔故舟行一遇

急流怒浪危湍驚瀾必仰呼於神如或見之神綦

靈矣由是祀無虛日庭不能容當夫海之未有明

禁也商舶往來櫓帆相望幾於蔽日且鹽行任重

途遠非巨艦弗勝非神力弗達苟有慢心竟日不能移咫尺一念虔百餘里可俄頃至故網人每致敬而有德於神尤甚於仕宦商旅也羣議復建廟於河東厥日孔臧厥基孔陽明宮宏敞齋廬潔清前華表而後寢居以及東西兩序齋庖之房百用具備其一切工費悉取給於綱中崇祀也始建於順治己丑季秋迨今三十餘年康熙三十三年重修余泰來海門鹽坨平浪元侯廟碑記節錄天津爲古渤海郡上應天文析木天津之纒百川朝宗合流歸墟寶當北海海門要衝歲運漕米江淮吳楚千萬艘咸賴利涉而煮海椎鹺凡北地鹽政統賴茲土昔人所賦積雪中春飛霜暑露其効靈於海若者尤大彰明較著焉余以康熙癸酉秋七月駐節天津至則循例禋祀海神平浪元侯廟貌赫奕俎豆維馨越明年甲戌秋八月使事將竣報政有日諸紳衿商賈鳩資庀材聿新輪奐迺以神廟落成來告夫元侯職司巨海較四瀆稱雄長利國惠民厥功甚偉厥利維普廟始建津之河西今順治間改建河東介在鹽坨以靈佑推鹺爲諸商

叢報尸祝故也 乾隆閒

敕封平浪王

縣志

一在丁字沽明時爲蕭公晏公廟

國朝康熙閒鄧懋和改建 一在葛沽 一在後辛

莊

俱同上

恬佑祠 在開口迤南海河岸舊爲平浪侯明代

建

國朝乾隆五十三年奉

敕改建

縣志

賜廟額曰敕賜恬佑祠

賜大殿額曰翕流順軌



賜大殿聯曰滙派協靈長功宣左輔歸墟資廣利福佑東

溟有

御製詩石刻

恭載卷四

風神廟 在開口海河岸乾隆五十四年奉

敕建

縣志

賜額曰揚仁助順

賜聯曰軌宅通津調析木候孚大信靖歸墟嘉慶閒

賜額曰祥和宣愷

賜聯曰寰海徠航徵巽德近畿調燭應乾符同治閒

賜額曰翕流順軌

同上

天后宮 一在東門外元朝建明永樂元年重建  
正德十年參將楊節重修禮部劄付道士邵振祖  
領道經一部春秋二祭前志按正德縣志作正統  
國朝嘉慶間

賜額曰垂佑瀛壖同治間

賜額曰贊順敷慈縣志 一在陳家溝 一在丁字沽

一在鹹水沽 一在賀家口 一在葛沽 一在

泥沽 一在東沽 一在前辛莊 一在後尖山

一在秦家莊 一在城西如意庵南 一在大

直沽俱同上 按此廟元代建天厯間賜額  
至正間官重修有危素碑記文載金石

土地廟

一在城北北倉明崇禎間建

前志

一在

河東鹽坨

縣志

一在城東南梁家園康熙年建

一在城東南下園

一在城西曹家莊

一在河

北梁家觜

一在大直沽

一在開口南康熙年

建

一在河東小關康熙年建

一在河東水梯

子

一在西門外南頭窰

一在城西汪家莊康

熙年建

一在河東小鹽店

一在戶部街

一

在楊柳青河北

一在前尖山

一在河北鈔關

後

一在河北鈔關下

一在葛沽東

一在葛

沽西

俱同上

旗纛神廟

魁星閣

一在府學

縣志

一在縣署旁知府李梅

賓建

一在城東南角樓康熙年鄭世泰建

俱同上

南運河神廟

在芥園乾隆三十五年天津道朱

宗元建

縣志 蔡啟盛案此即查氏水西莊故址內有

高廟御筆詩

碑

大王廟

一在小稍直口名福壽宮

前志

一在院

署西乾隆年知縣侯珏建

縣志

同治十二年重建

檔案

名宦祠

在府學

前志

祀明天津道毛愷

國朝三省總督張存仁李蔭祖朱昌祚直隸巡撫王

登聯天津鎮總兵趙良棟直隸巡撫金世德于成  
龍格爾古德天津道朱弘祚天津道陞直隸等處  
巡撫趙弘燮禮部侍郎督理子牙河務許汝霖巡  
視長蘆鹽政監察御史莽鵠立直隸總督方觀承  
天津縣知縣陸費元鑽直隸布政使陸費瓊天津  
府知府石贊清天津縣知縣謝子澄

一在縣學

同祀

國朝提督順天學政熊伯龍鹽運使司經歷張可立  
刑部尙書巡察直隸魏象樞天津道朱宏祚直隸  
巡撫于成龍郭世隆直隸守道邵嗣堯天津道陞

任直隸巡撫趙宏燮巡視長蘆鹽政監察御史莽  
鵠立直隸總督方觀承天津縣知縣陸費元鑽直  
隸布政使陸費瑒天津府知府錢忻和巡視長蘆  
鹽政文謙鹽運使楊需天津府知府石贊清天津  
縣知縣謝子澄

鄉賢祠

一在府學

前志

祀明鄭海倪維城王紹慶

蔣儀張愚汪來倪尙志

國朝劉得甯朱天成侯肇安沈兆澐

一在縣學

同上

祀明鄭海倪維城王紹慶蔣儀張愚

汪來倪尙志

國朝劉得甯朱天成侯肇安沈兆澐

忠孝節義祠

在府學

前志案今府學無此祠

忠義孝弟祠

在縣學

前志祀明殷尙質梅應文鄭

海倪維城

國朝周天命劉得甯朱天成王顯謨隋光啟陳康年

陳成烈梁寶常汪彭吳士俊王鏞徐亨佛爾齊之

春謝樂善賈兆霖王寶慶金光飭于壯圖于慶光

楊國柱邱景華陳珍楊文光王文運王晏清楊葆

森張春元李瑞璋姜宗義劉國慶張衣敏朱光熙

余作新趙錫朋曹天祿趙濬薄通王五

節孝祠 在縣學前志

昭忠祠 在府城隍廟內嘉慶十四年奉

敕建縣志

雙忠廟 在西門永豐屯大街明嘉靖二年重建

前志

晏公廟 在城外西北隅前志

怡賢親王祠 一在三岔河口雍正十三年奉

敕建前志 一在西南城隅廣仁堂中光緒八年直隸總督

李鴻章奏建采訪冊

毛公祠 在大儀門裏街北祀天津道毛愷前志



王公祠 在北門外館驛樓旁祀王宏祖

李公祠 在河北鹽院署東祀天津督餉部院李長庚

李公祠 在埠頭東街南祀天津巡撫李繼貞今改爲

萬壽宮

石公祠 在岔道口祀天津道石天樞俱同上

薰風烈日祠 在院署東縣志

懋功祠 在城內劉家衙街迤東祀縣人張懋

楊公祠 在北門外河北岸祀漕運總督楊錫紱

乾隆三十六年建

趙公祠 在三汊河口東岸祀天津鎮總兵趙良

棟天津道趙宏燮長蘆鹽運使趙之璧卽今三取

書院

俱同上 蔡啟盛案  
此舊三取書院也

謝公祠 在西門外永豐屯祀天津縣知縣謝子

澄

縣志

並祀古北口副都統佟鑑名雙忠祠光緒七

年重修

采訪冊

僧忠親王祠 在西門外祀督兵大臣親王僧格

林沁同治八年三口通商大臣崇厚建

縣志

賜額曰丹心萬古

曾文正公祠 在河北大王廟東同治十二年總

督李鴻章奏建

采訪冊

金剛愍公祠 在城內石橋衙光緒十六年建

丁公祠 在東門內河營前祀直隸按察使丁壽

昌光緒六年總督李鴻章奏建

愍忠祠 在東門外開口下祀海運員董候補同

知蒯光烈等光緒元年總督李鴻章奏建

俱同上

青縣

社稷壇

在城南

縣志

文廟

詳學校

先農壇

在城東北

縣志

神祇壇

在城東南

同上

關帝廟

官致祭者在城北門上

縣志

乾隆元年重

修

縣志

道光二十四年知縣單偉志重修

同上

民間

別建者

一在城東北

前志

乾隆四十一年灤州知

州王述曾捐修

縣志

一在杜林鎮明萬曆三十年

縣人薛瑤等修葺

明楊文蔭杜林鎮關帝廟碑記節錄青縣治南七十里河西岸

鎮名杜林墓有關帝廟不知建自何年住持僧智

魁敬承師允峯未遂之志乃偕本鎮會首薛瑤王

謙舉發善念欲立碑用垂不朽請予言為記予非

嫻於文咸王之威靈慕王之忠義即不敏曷敢以

不文遜哉記云聖王之制祭祀也法施於民則祀

之以死勤事則祀之以勞定國則祀之能禦大菑

則祀之能擇大患則祀之有一於此足以食報無窮今王兼而有之即祠宇巍然俎豆馨香亦吾人美報之常又安能仰答宏庥於萬一哉今智魁誠能廣募信緣重新鼎建使殿宇神像金碧輝煌觀廟貌之森嚴感靈光之普被以繼迺師曩時修建之意則神必我據福有所歸王必默佑於冥冥矣廟原無碑立碑自智魁始予嘉其心之虔而志之篤也因爲之記

國朝乾隆四十六年張玖僧法旺重修 一在流河

鎮嘉慶三年重修咸豐二年重修 一在新集鎮

咸豐十年重修 按始建之年俱未詳 一在南街明萬曆三

十四年建

國朝順治十八年乾隆十九年四十五年俱重修

文昌廟 在縣署東南咸豐八年知縣曾貫之修

俱同上  
光緒二十一年知縣王冠珪興修尙未竣工

采訪

文昌閣 一在文廟東南衛河濱縣志 一在流河

鎮上明萬厯間建明余成己流河鎮文昌帝君殿碑記節錄余鄉舊無文昌帝君

祠自萬厯戊子都大夫張公肇創於城之東隅蓋雅意興文教也祠方落成適予儕計偕上春官相與謁於祠之下靡不洗滌塵心肅襟瞻拜余儕是科登甲榜者二人跨異常格州人盡神其事云迨辛卯季春余得令武林揚帆南下運艘充塞河中泊舟青縣流河鄉憑檻一眺高土巍峩有新廟鼎建其上屬蒼頭往訊之知爲文昌帝君祠蓋鄉彥李上舍昆仲所構也鄉有東嶽天齊廟坐鎮北方殿後叢土一區高一丈寬二丈數尺許翼前宇若垂翹然上舍世居茲土徘徊有年齋心抒誠捐貲鳩材構殿塑文昌像其中朝夕以奉事焉余聞李之先世有積德昆仲輩冲愉恬澹舍和藹真究心

墳典雅懷高尚羞作脂韋態其奪巍科膺應仕可預券者由是天與神助又何疑于將來張公一郡守作興文學猶然不易矧李君恂恂儒生耳不藉它人助勳力一稟虔恭而輕財賄重義舉竟無責報心甯不重可嘉哉昆仲輩微言於余勸勒石以垂不朽余爲記其事如此上舍名致中仲弟名時中順天府庠廩生季弟允中國子生男茂華姪一楠俱順天府庠博士弟子員時萬曆二十年三月吉日初爲祠也

國朝乾隆八年重建改閣

縣志

一在興濟鎮同治五

年就崇眞宮故址改建

同上

劉有銘興濟重修

舊有文昌閣咸豐癸丑予設帳於鎮之北偏時從二三同人遊憩臨眺未幾粵逆犯滄州予乃攜家避兵漁莊烽火所至無完宇再過之摧爲瓦礫矣今年秋予備員銀臺接故人手示擬就前明崇正宮故址復舊觀焉囑予爲文勒碑以記之予極不忘昔年遊歷地也故不敢以不文辭茲閣之興也

未稔創始何代想其時必有一二傑出之士殷然  
爲一鎮文明計者予姑不及考第念地濱運河糧  
艘之所往來得藉以懋遷南北有無化居以故隸  
茲土者多趨利逐末數十百年以來閭閻生塵斗  
魁匿曜文風不振久矣而茲閣者亦若滅若沒僅  
與前朝故宮同爲過客遊憩之所莫或廢之亦莫  
或興之耳癸丑甲寅閒流寇犯畿輔所過焚掠茲  
鎮乃適當其衝崇垣傑閣蕩爲圯墟底定後二三  
同志不忍視其廢勃焉振興乘上元之運就崇正  
之基庀材鳩工頓復舊制行見人文蔚起戶誦家  
絃一洗從前蠹塵凌競之習胥於是役卜之矣

城隍廟

在文廟後

前志

明成化十三年知縣蘇俊

重修宏治閒知縣周忠重修

明馬政重修城隍廟碑記節錄青有廟貌

舊矣前者蘇侯一嘗新之題其額曰顯佑伯祠伯  
之受封蓋在洪武之己酉侯之鼎新記在成化丁  
酉歲也歲久易堙風雨苔痕不無金碧剝落之歎  
令尹周侯協其僚案謂守者曰興廢補滯予之責



也乃屬耆老乃蓄錢穀召匠掄材鳩工採石板築之音斧鑿之聲積年乃罷告成功也邑人史璉等請以其事勒之石以示不朽云蓋宏治己未之夏也明馬道重修青縣城隍廟修祀記節錄我皇祖受天明命撫綏萬方懷柔百順悉有道焉越二年己酉詔天下更修城隍祀封其神爲顯佑伯廟與縣治同凡吏其土者必齋沐誓神而後視事及瓜代展祀如初春秋有祀祀以文皆出聖製朝廷治民事神之典其重矣乎我青古州治也屢更爲縣今因治之後有廟新於開國之二年災患斯禦水旱斯禱幽隱斯直民甚神之鄉耆姚興曰城隍吾邑主神也利我生民舊矣有司之祀制也簡吾輩生死於斯甯無一祀以展厥誠報厥本乎乃率諸良每歲十二月終會修祀事香燭若干庶品若干以供正月上一日之祀歲無缺焉經始於正德元年訖今四十五年自分毫荒恐墮初志乃逕諸董仁輩以繼其事衆顧欣然遂謀立石以永其傳屬予作記

國朝乾隆二十年知縣冷廷頤重修縣志同治十三年

知縣張濟康重修同上

厲壇 在城北縣志

火神廟 在東關前志嘉慶三年典史王以槐重修

縣志

龍王廟 一在城東南衙河岸前志乾隆三十六年

知縣趙士傑重修縣志一在城東北明初建前志道

光二年重修縣志

河神廟 在城東門前志

馬神廟 在城隍廟西同上道光二十四年知縣鄧

椿林重修縣志

八蜡神廟 在城內觀音堂西舊在西門外後移  
建嘉慶八年知縣沈聯芳重修

劉猛將軍廟 一在八蜡神廟前同治十一年知  
縣張濟康重修 一在雙莊窠知縣元照建

魁星閣 在東南角城上乾隆三年知縣趙士傑  
建

天后廟 一在城東北衛河濱乾隆四十六年典  
史石澧重修 一在興濟鎮南 一在林缺屯大

道西

俱同上

名宦祠 在學宮前志祀明興濟知縣王宏毅錢貫

呂和青縣教諭余勁張綸又青縣知縣錢珍興濟

知縣張文煥

案此縣志職官下均注明亡死節而名宦內未及從祀僅據知縣錄呈

國朝巡撫于成龍守道朱宏祚三省總督朱昌祚禮

部侍郎許汝霖

鄉賢祠

在學宮

前志

祀明戶部郎中崔炎太僕寺

丞蕭英陽穀知縣馬思聰曲陽訓導姚慶雄縣教

諭任明臣檢討岷府長史馬政山東副使李日茂

孝子賈文清

國朝望都訓導戴雲錦

縣志

又明開封推官馬永壽鹽

城教諭秦四德工部主事何遜湖廣僉事陳松

國朝工部員外郎馬鳴蕭平樂同知陳元璐饒南九

江道楊芳春

蔡啟盛案此七位志皆敘官蹟而未從祀先據知縣錄呈檄令查考迄不

足徵因令於牌位上添注公同擬請從祀六字姑仍存之

忠孝節義祠

在學宮

前志

祀明曲陽訓導姚慶徵

仕郎姚泳光祿寺署丞姚同倫鴻臚寺序班姚廷

棟臨洮同知姚思虞

節孝祠

在城隍廟前

縣志

周武壯公祠

在東關外北街祀總統盛軍湖南

提督周盛傳光緒十三年總督李鴻章奏建

縣冊

靜海縣

社稷壇 在城北車店邨西縣志

文廟 詳學校

先農壇 在城東縣志 雍正六年建前志

神祇壇 在城南縣志

關帝廟 在城東北隅瀛海書院左縣冊

文昌廟 在城東北隅瀛海書院後同上

文昌閣 一在南城上前志 一在獨流鎮河東乾

隆五年縣人李經介李學詩等建成豐十年縣人

李蔭塘等重修縣志

城隍廟 在西門外明萬曆二十四年知縣曹重

建

國朝咸豐三年遭寇毀旋重修縣志

厲壇 在城東北同上

魁星閣 在東城上康熙二年知縣陳愈建前志同

治十年重修縣志

八蜡神廟 在城北街書院池西前志

句芒神廟

龍王廟 在西關外衛河西岸兼祀火神俱同上

馬神廟 在號內同治八年重修十一年復修縣志

天后宮 在西門內池南

土地祠

在北門外

俱同上

名宦祠

在學宮

縣志

祀金金紫光祿大夫高陽公

張甫明靜海縣知縣畢獻崔衍尙樸劉弁劉照武

雷郭天錫陳範戴大槐吳應揚董養聰王良相胡

啟睿靜海縣學教諭商賓隨正脈樊効才秦鶴年

鄉賢祠

在學宮

縣志

祀明鄭氣鉉默蕭應禎

國朝王正志高爾修毛士勵杜訥勵廷儀

忠義孝弟祠

在學宮

縣志

祀明王廷試周斐李桂

蕃李夢周蕭汝厚于乾朱朝李昊李邦僑李鳳來

陳壽董廷講張汝官董廷訓劉池



國朝王士麟李世銘閻應極李萬清鄭廉善邊允誠

邊鋒

節孝祠

衛政祠

滄州

社稷壇 在北門外西北明萬厯中知州王堯封

重建

前志

文廟 詳學校

先農壇 在城東乾隆二年知州彭月孫建

州志

神祇壇 在南門外明萬厯中知州王堯封重建

前志

關帝廟 官致祭者在南門內前志順治中州人王

公弼重修州志王公弼重修關帝廟記節錄入

廟也堂而無宇室而不榮湫隘沮洳弗嚴弗恪且  
滄人食神之福多歷年所憶余昔承乏王事於四  
方每過里瞻祀有肅然毅然之志思欲鼎建以妥  
神靈而其間國社疆場民瘼戎馬示遑也計自戊  
寅迄今十有三禩矣始擴而新之工既告竣較舊  
殿檻而三之西市地共擴五丈有奇南北十丈有  
奇後擁以淨室圍高以宮牆至所費不貲乾隆五  
十三年獨任縉紳大夫泊邦人氏並有力焉乾隆五

十七年州人募修同治元年知州曾貫之光緒元

年知州戴增福俱加修州志民閒別建者一在州

治內明代建前志一在城東南隅 一在北門明

州人戴才建俱同上 一在城西南隅前明州人王

國寶建

國朝商人陳性重修州志 一在南門河岸前志 一在

菜市口州志 一在南門外龍王廟東舊在東門外

名三義廟久圯道光二十三年知州李步瀛州人

董清標宋廣泰等移建州志

文昌祠 在州署東狼臺上前志 明萬厯閒建

國朝康熙初州人張文炳重修張文炳重修東臺文昌祠記節錄滄城之

內有古臺屹立東偏相傳五代周世宗時所築舉  
狼煙處也明萬厯閒銓部王公發以磚石構神廟  
三級最上爲文昌帝君祠遂巋然爲一州之文峰  
勝境矣余登癸酉賢書後卽讀書其下精舍掩關

悄無剝啄翠竹黃花搖映幽窗曲徑閒且晨昏鐘  
磬與書聲相和令人有蕭然出塵之想而帝君臨  
之在上惟一惟嚴以對越之誠固不敢祈神之私佑  
之也迨順治丙戌成進士庚子辛丑之閒由柱下  
歷宦充東老僧喜特走瑯琊請所以新其祠宇者  
余慨然施之喜歸遽西行因未果康熙癸卯余自  
江右裁缺還里喜徒鑑復以爲請時司徒戴公謝  
病歸里日與二三同志研究理學磨礪身心且率  
子弟輩刊施帝君垂訓諸篇兼做都人士敬文會  
力行之聞余此舉遂共襄厥成而廟貌聿新矣

光緒元年知州戴增福州人于德甫戴作霖等重

修

州志  
稿

文昌閣 在南關河岸

前明代建

國朝州人張爾鏞等重建

州志

城隍廟 在州署西南察院之西明初建

前宏治

十八年重建

明馬魁重建城隍廟記節錄弘治甲子余奉命知滄卜於夏四月之吉誓

祀城隍廟遵時制也至則見其殿宇傾圯廊廡疎缺殆不足以妥神靈而行祀事卽惻然有修葺志尙思下車之始澤民之事未及舉行而遂有工作之興似非職牧者所當重急欲已之又以治民事神亦皆有司者所當重躊躇久之一日有郡民曰張福元者率衆填門進而告曰郡之北郭外有隙地邇者小民築居於是欲建一觀音庵以鎮之予曰觀音乃釋氏所崇尙非汝人倫日用有室有家者所當庵也若城隍乃境內應祀之神實人之所賴以安者也顧廟貌頽壞不加修而反於無益不經之事妄費以輕爲乎衆皆稽首謝曰是廟之傾爲日頗久昔尙寶祝公爲鄉進士時有倡爲之志此因會試之京而未果今欲爲之誠盛舉也敢不奉命願以庵觀音之財力移之以成子遂可之乃爲卜日歲事親率僚屬耆老詣廟而經營之于正殿退宮壁石之彫落者指示以補修之乃前爲二門三楹左右爲兩廡二十四楹退宮之東西爲二室各三楹左右爲兩廡以舍灑掃之工祝規模宏

敝棟宇輪奐庶乎神有所歸祭者之敬亦有所依而不近於毀矣其工興于弘治乙丑三月之吉至

正德丁卯七月正德八年鑄銅爲神像明高夔新鑄城隍神像記

節錄我朝定鼎之初于天下淫祠悉命除之殆什

惟唐之季李陽冰有當塗縣城隍廟記宋元及今

祠始徧天下且嚴飾貌像以崇奉之而城隍遂盛

矣滄州有廟界監鹽二司之閒久傾圯不治正德

初元山東馬公魁來守是郡始欲新之一時嚮慕

之人聞風資濟遂成此舉正殿廊廡視往昔有加

其勸善懲惡之像備厥變態使人惕然有警歲癸

酉子擢自魏邑至滄三日徧謁諸神祠獨城隍廟  
魁傑冠一州爲之憮然稱歎曰城隍所以保障一  
方也尊崇固不當爾耶及視碑文知馬公倡之又  
作而歎曰吾儕中有若此者吾獨不能繼之耶適  
一二黃冠進而告曰愚民無知識見廟宇更新而  
神像若舊心且弗安且土木之形不足以傳永遠  
維昔盜賊猖獗城被圍者七日卒能完壁一郡無  
陷沒之虞謂非神靈默佑之力不可也于輩思重

重修天津府志

卷三十四

祀典

三

報之將以銅易其像冀垂不朽不識可乎予應之  
日有是哉此舉甚盛予將助成之以繼馬公之後  
月餘鄉義官李翀等以予言聞諸里市勸募資財  
于是四方以銅至者數千人若大司徒張公尙寶  
卿祝公皆其尤者無幾時銅積若山而神像成矣  
計其重三千餘觔約其工四十餘日訖致仕官張  
玉來祈子言  
以記其事

國朝駐防劉有餘募修

州志

乾隆五十九年知州周世

榮重修道光五年知州潘國詔重修

州志

同治十

三年知州戴增福光緒十二年知州駱孝先俱加

修

同上

厲壇 在北門外明萬厯中知州王堯封重建

前志

八蜡神廟 在州署東同上明代建

國朝乾隆八年署知州饒佳重修光緒十二年知州

駱孝先重修

州志稿

馬神廟 在州署東南明萬厯二十七年知州王

堯封建

明劉生中新建馬神廟記節錄萬厯己亥夏王公來守吾愴時情源民譁訛言流布

人心惶惑若駭雞然公下車卽出諭曉之爲之引

古昔陳利害民乃大定是歲蟲蝻傷稼衆庶艱食

公爲請于上得臨德粟若干石減價予民又煮粥

以食待哺者自冬抵春凡三閱月全活無虞十餘

萬人蓋自履任後早夜拮据靡有甯晷亦旣平定

安集矣乃始勸學興材修廢舉墜如新學宮修師

廨復襲公祠詳在他記中不具載先是州有馬神

廟在治西南馬廩內蓋國初寄種馬于編戶而責

其孳息罔寺歲時巡行諸郡邑察肥瘠稽登耗則

馬廩其行署耳迨後種馬變而爲買俵罔寺遂絕

不一至于是有司改馬廩爲監司察院而廟亦移



以來三十年所矣公臨祭愀然傷之謂祀以將敬  
室以受神神之弗受敬於何有且易有之乾為馬  
馬陽屬也氣以類從于法不宜西盡遷之遂卜地  
州治東南八蜡廟前相度土功庀材鳩匠經始于  
九月某日踰月而落成崇以廣楹翼以兩序闢以  
重門繚以周垣規制始大備矣時余浙闈事竣便  
道還里公乃屬予記其事攷我朝稽古定制釐正  
祀典諸不在咸秩之列者一切罷去而獨馬神之  
祀自固寺以至郡邑設有專祠誠謂其備法駕資  
折衝馬之為用最急則報本反始禮不容後耳或  
者不深維其義視為贅典即春秋展祭輒慢承之  
庸計及棲神之所乎公獨慨然深念鼎而新之謀  
不再計役不稱勞爰神靈而修祀事是舉也可謂  
明於秩祀之文而不失周官之遺意矣公名堯封  
號華岡南直金壇人癸未  
進士蓋以尙書魁南宮云

龍王廟 一在東門外明代建

國朝城守禦永甯移建舊廟北

州志

道光七年糧捕同

知孫豫元知州潘國詔州人宋廣泰移建南門外

河隄上

州志

同治十二年知州戴增福重修

同上

一在件龍堂

州志

宋代建

宋韓正彥龍井靈異記詳金石

元至元

開州判董珪重修

元失名重修件清池壁記詳金石

明知州宋訥

重修

明宋訥龍井靈異記余自正統丙寅歲受命是邦厥守茲土越戊辰夏亢陽為虐雨澤愆

期黎庶惶惶躬率耆老詣神祠禱蓋緣香火年疎人心日怠以致廟宇傾頽井池淤塞三四慨歎遂致誠焚香與神約誓若果獲甘霖以濟吾民其靈祠聖井我當理之自癸卯而告甲辰乙巳洪雨大澍踰明年己巳天時復旱四野愁歎余又至祠下懇叩胥酬前願疏滌其井甃砌磚石水深丈餘趨事赴工者數百人不日成之以牲牢告厥功須臾狂風蕩埃黑雲捲雨頃刻至壇父老舉酒奠拜僉曰神明所威如是勿以為懼其年秋八月戊申吉重建後堂三間前門三間周圍垣牆三百步許于

是都轉運使歐陽公一日喜雨過訪噴噴歎賞神靈神靈不誣也至景泰庚午又遭旱災民心憂切余再祠禱巡撫都御史蕭公亦赴廟行禮公拜未幾三靈雨霽霈百里均霑交慶豐稔于是椎塑神像龍儀煥然一新其夏五月既望白魚出見三日或沈或浮人所習知蓋千百計視董公廟記龍魚故事若合符節余恐後來君子將謂妄談疑信故鐫石記之

國朝道光十五年知州李德禱雨有驗重修神祠並

龍井州志稿宋友梅重修滄州仵龍堂廟碑記  
龍節錄新滄城東南五十餘里有池曰仵清堂  
曰仵龍為古靈異境歲亢旱守土者虔誠祈禱輒有奇應歷宋元以及有明鐫石記事炳如日星迨至道光乙未夏天久不雨禾稼將槁民方以為憂州主華蔭李公知龍井之異曉諭斯民共往祈禱斯時誠意胥興及李公取水回署雲行雨施民賴以蘇越數日擇吉報謝李公集士民而諭之曰余素不妄黷鬼神所歷諸境必禁淫祀其有實惠及民者又未嘗不心焉敬之若茲神具靈異廟缺修

葺是素不奉而急則求非所以竭吾誠也吾將捐  
廉以爲率爾士民其共勦迺事於是縉紳士庶勇  
於赴公各議捐資募工度費乙未秋起丙申春告  
成並龍井重修又以近廟歲生甘草爲一郡所罕  
見復從衆請立藥王神像及太山三官神像於兩  
陪殿斯欲廣民之祈禱實欲民之守護也是歲隨  
時澤被不稼大稔李公每念靈異欲立碑以誌之  
適以考最陞任深州而撰文之事遂寢越歲丁酉  
諸監修立軒董公等問記於余余辭以固陋無文  
衆曰傳事傳人惟期取信如事無徵雖文何涉如  
事有徵惟質彌彰余聞斯言深合於君子務實之  
道故忘其狂菲就所見聞之靈異而直書之庶咸  
知神民相接在於一  
誠之感而已是爲記

土地廟 一在城隍廟內明代建前志 一在州署

內 一在運司署旁 一在鹽廠 一在南門俱同

上

一在城西北

州志稿

劉猛將軍廟 在八蜡廟內乾隆三年知州陸福

宜建光緒十三年知州駱孝先重修

州志稿

四大王廟 一在南關河岸

前志

一在西門河岸

同上 一在鹽廠河岸

州志

火神廟 一在西關河岸明閔可權建

前志

席官商

重修

明李觀光重修火神廟記節錄郡舊有火神祠建于河之許廟貌僅丈許廟之外離園垣

亦僅丈許垣之外無隙地相沿匪一旦暮矣君子日廟以妥神神將依也廟宇之太狹在瞻禮不便望臺之太淺則觀望不肅妥神之謂何而神將安所依哉會雲中席子官商隱於滄每橋梁道路之傾圯及祠宇觀刹之頽廢往往出囊橐而修葺之無少諛蓋亦饒於資而好義者一日謁若祠而歎曰火之為穹壤用至廣而其神最尊即令狄梁公經略毀淫祠亦當在崇祀之列乃坐視其淺陋若

是場然弗甯者久之惟時沈子桂宋子守愚亦同  
有是心而從義者乃謀諸父老及閭巷之慕義者  
各爲捐金鳩工聚材廟之僅一楹者拓而爲三廊  
廈稱之左衡鼙鼓右懸鯨鐘廟之前門亦爲三楹  
皆內向若闕廊然簷牙牕列而丹雘輝煌視之往  
昔蓋甚壯麗矣哉廟旣成席子蘄爲記以識不朽

國朝嘉慶九年州人宋文成重修州志 一在城東

南隅前志 一在北門外道光九年州人王煦等建

州志

小聖廟 在鹽廠河岸明代建前志

名宦祠 明萬厯十二年知州張興行建於文廟

戟門左明劉子延重修名宦鄉賢祠記節錄國家

凡以重德功而垂風教也滄州舊有名宦鄉賢二  
祠歲久圯廢時祀者每暫附於啟聖祠中因循久

之殊非倫制我牧守時庵張公政教之暇進師生  
於明倫堂而謂之曰名宦鄉賢誦法孔子而成者  
也祠不於廟中而於他處非事理之宜也乃復謀  
及鄉士酌以義理以先師廟南向配哲侍側皆升  
堂入室者也賢哲分列兩廡則得門而入者也二  
祠宜于櫺星門內又望宮牆于數仞者也所謂等  
而上之則庶矣是也僉謀既定公捐俸金聚材鳩  
工名宦祠基勢坐東西向鄉賢祠基勢坐西東向  
均以磚石覆以瓦礫塗以丹雘繪以黝碧各爲四  
楹經始于萬曆十三年八月落成于本年十月之  
終後改爲更衣亭四十四年運使張雲翼別建於

儒學門內迤東

州志

祀漢渤海太守龔遂宋河北都

轉運使包拯明滄州知州賈忠武英張縉因綱長  
蘆都轉鹽運使陳堯

國朝三省總督李蔭祖朱昌祚直隸巡撫于成龍格

爾古德于成龍沈朝聘趙宏燮直隸守道朱宏祚  
邵嗣堯滄州知州吳瑾姚孔瑄

鄉賢祠 明萬曆十二年知州張興行建於文廟

戟門右後改爲省牲所四十四年運使張雲翼別

建於儒學門內名宦祠西

州志

祀漢雋不疑鮑宣鮑

永晉刁協北齊李鉉唐高元裕賈耽高適宋張知

白李之純賈黃中元王昌齡王復明卓敬馬昂王

翺呂琛趙杲張瓚強珍王紳朱用錦戴才

國朝呂詠王公弼百齡劉若鼎

忠義孝弟祠 在儒學門外東偏雍正十年知州



曾振宗建

州志

祀漢鮑宣巴肅苑康晉刁協刁彝北

魏高諒唐許法慎高崇文朱廷玉朱廷金邊鳳舉  
孫楚信鄭士才劉賢宋廖人俊胡元興崔諒田京  
金榮楫元攸哈刺拔都楊秉明卓敬李觀光孫淪  
李治王煥孫登俊于弟呂世祚王填趙昇李思賢  
楊時蕃周達仁劉存備王顯仁戴世惠朱用錦祝  
祥于立

國朝呂詠衛其傑張文元張光潛滕德厚于一龍劉  
植于昌耀張伯謙劉清樑萬紹曾

節孝祠

在儒學門外東偏忠義祠右雍正十年

知州曾振宗建州志

昭忠祠在

光緒七年知州趙秉恆州

人劉鳳舞捐建

州志稿

祀咸豐三年殉粵匪難知州

沈如潮等同治七年殉捻匪難官紳兵民等

龔公祠

在北門祀漢渤海太守龔遂

前志今圯州

五賢祠

在西門祀明滄州知州盧廷選王堯封

李夢熊羅曠

國朝滄州知州許榮昌

前志今圯州

李公祠

在北門內祀明滄州知州李騰蛟

前志今

圯州志

戴公祠 在北門祀明太僕寺少卿戴世惠前志

包公祠 初在南關後移朗吟樓祀宋河北都轉

運使包拯前志乾隆七年運判史尙廉移建官署大

門內左方州志倪象愷包孝肅公廟碑節錄轉

已宋代名臣如陳恕鮮于侁呂公弼歐陽修唐介

諸君子皆先後歷茲任惟包公之名獨著惜轉運

惠政史闕略不傳無考鏡然公孝篤於親忠結于

主關節不到笑比河清正直有爲之氣其感於後

世之人心者尙耿耿不忘則其措之當時者必歷

歷可信然則公之政雖不傳而所以傳之者至矣

愷承乏長蘆才弱力腐望古生愧滄州運判史君

尙廉分職二載恤商體竈有公之心因未轉運聽

事舊地新公祠宇以光薦祀以答人心前宮保孫

公今制府高公監政三公直以繩人廉以澤物諸

所設施與公合轍於是允其所請屬愷酌量經理

商竈士民鼓舞趨事匝月落成延主持奉香火有

司春秋祭享史君請記於余因書其事於石長蘆  
都轉鹽運使蜀南倪象愷記乾隆七年歲次壬戌  
夏六月上浣穀旦立史尙廉重修包公轎記長  
蘆志載包公有所乘轎吏民愛而存之奉於滄州  
分司署前土地祠中廉己未冬署篆時往視之塵  
封剝落幾至朽蠹嚮往者久之復慨歎者久之庚  
申夏請建祠署左以妥公神暨壬戌而落成遂取  
轎之闕者補之毀者修之丹塗斤削一如舊制不  
敢有所增損工既竣即移置祠中東壁下廉因之  
有感矣公之清風峻節爲有宋一代稱首而功名  
烜赫尤著於尹京時然來之中葉金之末運汴京  
疊遭兵燹迨明季而小醜陸梁洪河一潰朱金遺  
蹟盡委波臣夢華錄不可復問矣滄州獨僻處海  
濱自李同捷劉守文而後雖玉步屢更而不罹戰  
爭之厄者已歷八百餘年即包公一轎猶得奉其  
故物誦其遺愛以罄滄人百世之思謂非滄之厚  
幸不可也時乾隆七年歲次  
壬戌秋七月朔有二日記  
光緒二年樂字營統  
領記名提督丁德昌重修  
稿州志

何公祠 在南門祀明長蘆運使何繼高前志今圯

州志

瞿公祠 在西門祀明長蘆運使瞿汝稷前志

張公祠 在西門祀明長蘆運使張雲翼同上今圯

州志

于公祠 在南門祀明巡鹽御史于謙前志今圯州志

王公祠 在南門祀

國朝滄州知州王弘遠今圯同上

丁公祠 在包公祠後光緒十年總督李鴻章奏

建祀樂字營統領記名提督丁德昌並以記名總

兵李得成附祀

州志

南皮縣

社稷壇 在城外西北隅

縣志

文廟 詳學校

先農壇

神祇壇 在城外東南隅

前志

關帝廟 在東門南

同上

文昌閣 舊在明倫堂東南明萬厯閒知縣李正

華移建學署門外

縣志

明趙培修文昌閣碑記

祀焉制頗蕪陋甲午歲杪上高李公來令是邑始視學顧瞻斯樓意若不愜者講授之餘進諸生日

夫奎壁天之圖書府樓以奎名祀典所不載且建  
非其地吾欲徙之東南以祀文昌諸生欣然從之  
乃首捐俸金若干邑人士之樂助者一倡響應於  
是堅龍門之坊改樛星之門移泮池於門外濬之  
使深補正路之傍坎闢之使廣乃營巽地起崇臺  
高可十五尺廣表倍之臺上爲閣閣爲八面奉文  
昌木主其中西向而頗曰文昌閣又顏其北曰映  
台東曰拂署南曰麗明蓋各有取焉臺之方象太  
甯閣之上覆以碧瓦周迴如環象太清也爲方者  
入象八座也臺之東北築雲梯有門匾曰登瀛梯  
之爲階者十有八象學士之選也雲梯之東爲屏  
障者三級象三台也又立井亭其下名曰東井佐  
文明也肇始於戊戌訖工於壬寅而閣告成諸生請余爲記

城隍廟 在城內北街東明宣德中知縣張麟建

正統四年知縣陳毅修

明會鶴齡重修城隍廟記  
節錄南皮爲邑雖小而應

祀廟不廢況於城隍之尊乎然自經兵革鞠爲瓦  
礫邱墟草莽久矣宣德初縣令張麟擇縣北隙地

肇建之方是時工力未甚備葺理未甚密僅歷十數年風雨飄損幾至傾覆繼爲令者東莞陳君毅也嘗欲新之未果正統四年春夏之交邑境旱甚君率其民詣廟禱之雨卽應且沾足歲以大稔君與丞歐貴典史程恕謀曰神惠溥矣宜新斯廟以妥神靈以徼福於民皆曰諾於是合君三人各捐俸資倡士撤其舊而增修之材良甃堅工善役勤越幾閱月廟成嚴嚴翼翼趨走有歸祭禱有所而一邑之民皆悅又懼來者於其歲月事始末無考也因戶部員外郎王公文顯來求予文爲記將以刻諸石

嘉靖三十四年知縣李筵重修萬曆二十四

年知縣李正華重修

前志

國朝康熙十一年張時俊捐修

縣志

厲壇 在城北

前志

八蜡神廟 在府館西明萬曆十年知縣王允中



建縣志

馬神廟 舊在府館西與八蜡神廟並列順治三

年知縣白龍昇移建預備倉西

前志

龍神祠 舊在西門外明崇禎八年知縣簡仁瑞

移建神祇壇後

同上

五龍堂 在城南六十里五龍岡宋至道三年建

明嘉靖閒重修

明高瑞麟重修五龍堂碑記節錄  
邑之南六十里有堂名五龍創於

宋至道丁酉歲由宋而遼而金而元兵燹之餘興  
仆不常莫可紀述我朝嗣興首詔天下罷淫祠凡  
有功德於民者弗易故堂緣是存邑人畢君名鉞  
字勢威尙義人也以是堂有靈異每遇歲早有禱  
輒應意欲鼎新其制乃倡里閭捐囊資命備旬庀  
匠氏與夫木石磚甃黝堊丹漆所需備具工肇於

嘉靖丙申迄於己亥春告成欲鑲之石以傳不朽  
祈余以記其事余亦世家於堂之東南先人之墳  
墓寓於斯童子時釣遊寓於斯而又素荷甘雨之  
貺者固不容以無言矣管子曰作而不記非盛德  
也遂因而釋其說曰堂以龍名神之也龍以五數  
位之也神以位分位以神定故占法甲乙爲青龍  
丙丁爲赤龍戊己爲黃龍庚辛爲白龍壬癸爲黑  
龍蓋分而定也此則堂之名義已夫位分則春夏  
秋冬各一其時神定則東西南北各一其方時一  
則曰雨曰暘曰燠曰寒曰風五氣皆順而協方一  
則出震見離說兌勞坎成艮五穀皆利而貞斯神  
之庇而民之休也反是則咎徵著而嘉殖罔成斯  
民之辜而神之差也是  
豈後人崇祀之意也哉

河神祠 在泊頭鎮北康熙十一年河水東溢知

縣馬士瓊禱於神水卽退因建祠

前志

金龍廟 在西城下

火神廟 在南門外俱同上

魁星樓 久圯無存縣志

土地祠 在城隍廟二門外

名宦祠 在文廟戟門左西向祀明南皮縣知縣

鄧翰李珙李正華佟卜年王所須藍再茂簡仁瑞

鄉賢祠 在文廟戟門右東向縣志祀周尹吉甫漢

雋不疑唐賈耽宋賈黃中明徐廷錫張璠湯殷張

淮張謐湯賓鄭金侯楹

國朝湯鉉湯裔振湯淳柴克振柴堪棟柴廷望

忠義孝弟祠 在學署大門閒南向祀周尹伯奇

漢鮑宣鮑永明張謐侯守正張文桂吳推已張三省張漢

國朝張如椒王一良張莆張永清崔景謨常考祥吳士祥高鳳台高書寶張掄秀張廷標高光岳高西崑潘俊三高容崑林向榮常彝倫張德存張春寅潘貫一劉文衡潘碩祚高樹軒楊廷山

節孝祠 在學署大門左南向

俱同上

高烈婦祠 在半壁店祀吳茂才妻高氏

前志

甘棠遺愛祠 在瀛州書院內祀明南皮縣知縣王允中李正華左之禎佟卜年

國朝南皮縣知縣白龍昇

劉公祠 在西城下祀明南皮縣知縣劉廷臣

王公祠 在南街祀明南皮縣知縣王所須

藍公祠 在南門街西祀明南皮縣知縣藍再茂

俱同上

鹽山縣

社稷壇 在西門外西北里許舊在城內西北隅

明宏治元年知縣張綸移建今地

縣志

文廟 詳學校

先農壇 在城東南二里許雍正四年建

神祇壇 在西門街外正北俱同 舊在城內東南

隅明正德十六年知縣張思溫移建南門外

國朝雍正十年知縣何其慧移建今地前志

關帝廟 在大南門內東偏舊在大南門外東偏

康熙二十七年知縣熊士晉重修乾隆三十八年

知縣陳洪書移建道光三年知縣朱希賢等修咸

豐六年知縣孔憲祺重修縣志

文昌閣 官致祭者在小南門內東偏舊在西偏

康熙十五年重建後移建東偏咸豐三年重修

民間別建者在望樹鎮東南道光十二年縣人賈

重刊平陽府志卷之三  
中起等建俱同上

城隍廟 在舊街北舊在縣署東預備倉左明洪

武中知縣吳文靖建嘉靖中知縣杜學易修明重

修城隍廟碑節錄郡縣之祠城隍自唐以來皆舉

之不廢惟太祖之帝天下嚴革淫祠大正祀典義

所不毀者惟十廟而城隍之神居其一且制為守

令謁神之典曰陰陽表裏蓋以明有人官幽有神

明凡以為民也鹽山之祠城隍厥惟舊矣頻年以

來其廟圯於風雨前之尹茲土者皆莫或究心惟

我杜侯初至遵制謁神一見廟宇頽圯乃惕然歎

日非所以揭虔神靈也即有興修意第承廢之久  
迫於政務未暇越三載政事成民以化數年惕於  
心而未就者乃舉之若不及功竣邑之人士多不  
知誰之所為者蓋所費皆出於我侯之規措弗以  
擾民故也侯諱學易字子奇號存岡河南祥符人  
戊子亞魁今陞山西天啟元年廟災知縣王會圖  
平陽府霍州知州

卜遷今地三年知縣馬泰伸營建崇禎七年縣人

張承業重修

明張士儁重修城隍廟碑節錄後儀張士儁曰鹽山卽一同平以海內方

國莫不各有祠舍貌城隍而尸祝之矧伊此邦顧可缺諸先是堂廡在縣治之左壁屬同祿爲崇有識者爲卜今區歲月幾而土民復病削色有邑之編氓而慕義曰張承業者僉同通國庀材鳩藝飭畚峙根耀丹標至逾數歲而告竣言藝貞珉謬以載筆之役來懇余而弗斐又嘉盛事也輒爲之質述其顛末焉祠在邑之艮位門重設前堂後寢迴廊翼翼四方不下三百倚牆作山陂漾者水四時之植蒼蒼鬱鬱蓋邑之上游云

國朝康熙七年知縣朱鸞鸞置香火地四百零九畝

九分零在城東南小營莊

前志

厲壇 在西門外偏北舊在城內東北隅明嘉靖



元年知縣張思溫移建

馬神廟 一在縣署東南明宏治十一年主簿武世威增修

國朝順治十七年把總侯有功重修 一在縣署內康熙九年朱鸞鸞建

八蜡神廟 在馬神廟東康熙十年縣人王持憲重建

劉猛將軍廟 在八蜡神廟左雍正二年建

天后宮 在東門外小北街

火神廟 在大南門外關南舊在城內舊街北明

萬曆閒移建

國朝康熙十二年重修

俱同上

龍王廟 在南門內福泉寺內東偏舊在小南門

外後移建

縣志

魁星閣 一在城東南隅舊在小南門上後移建

咸豐三年重修 一在羊兒莊東南

俱同上

土地祠 在縣署大門內偏東

前志

名宦祠 在文廟戟門左

縣志

祀漢高城令陸康唐

鹽山縣尉穆甯宋知鹽山縣事李參元鹽山縣尹

宋訥明鹽山縣知縣吳文靖王憲張瑄鹽山縣學

訓導祁鳳鹽山縣知縣林惟盛張綸鹽山縣學教  
諭李有嘉盧綸河間府通判李正華鹽山縣知縣  
劉子誠

國朝三省總督李蔭祖直隸巡撫于成龍格爾古德  
于成龍趙宏燮直隸守道朱宏祚

鄉賢祠 在文廟戟門右縣志祀漢鮑宣鮑永鮑昱

鮑德巴肅晉刁協刁彝北魏刁雍隋王伽宋索湘

明王翺劉永昌

忠義孝弟祠 在文廟櫺星門西縣志祀明李瑄冀

本趙邦智傅燧王尙緒劉宗良路建邦王文棟

國朝王文楨劉振基王璫遲伯燠

節孝祠 在大南門內西偏舊在縣署東乾隆五

十年移建

忠肅祠 在西門內大街北明宏治六年建祀縣

人明吏部尙書王翱

俱同上

李公祠 在西門外明萬曆四十五年建祀明南

皮縣知縣李正華縣人劉永昌施基並捐香火田

五十畝

國朝康熙十七年重建

前志

慶雲縣

社稷壇 在城西北前志

文廟 詳學校

先農壇 在城西南

神祇壇 在城南

厲壇 在西關外

關帝廟 官致祭者在縣署西南唐永徽年建

民間別建者在城東北名三義廟俱同上

文昌閣 在學宮崇聖祠東南康熙六年縣人王

祚熙等重修乾隆二十九年知府金文瀉重修縣志

光緒二十年知縣楊善慶重修采訪冊

城隍廟

在縣署西

前志

馬神廟

在縣署西南

八蜡神廟

在城南儒林街

火神廟

在城西門外

龍神廟

在城東南

俱同上

魁星樓

一在學宮康熙六年縣人王祚熙等重

修五十九年知縣蔣錫震重修乾隆四十二年縣

人重修

縣志

一在東南城上乾隆十二年知縣孫

爾周建道光二十八年知縣于志瀛重修

同光緒

二十年知縣楊善慶重修

采訪冊

土地祠

在縣署儀門東

前志

名宦祠

在文廟戟門左萬厯四年知縣薛居方

建

縣志

祀唐滄州刺史薛大鼎明慶雲縣知縣楊思

義署慶雲縣知縣王憲慶雲縣學訓導顏肅慶雲

縣典史升任知縣趙亮慶雲縣學教諭殷璞慶雲

縣知縣張彪唐瓚宋漢文森杜玘慶雲縣典史商

玫慶雲縣學教諭祝繼元慶雲縣知縣李宋慶雲

縣學教諭李寶約慶雲縣知縣劉應兆慶雲縣學

訓導張綸右僉都御史巡撫保定等府朱纁慶雲

縣知縣林之盛葉時敦王之宋李扶宣廷式

國朝慶雲縣知縣張必科李芳春慶雲縣學訓導董  
良性慶雲縣學教諭胡懋謙慶雲縣知縣張碩抱  
慶雲縣典史任鼎慶雲縣知縣徐州牧盧元培慶  
雲縣學訓導楊芳慶雲縣知縣李居一天津道薛  
柱斗河閒府知府王奐天津清軍同知高必大慶  
雲縣知縣李興祖直隸巡撫于成龍慶雲縣知縣  
韓契吳瑛李炳生金士仁天津府知府胡文柏慶  
雲縣知縣孫爾周完顏岱汪菁張元英

鄉賢祠 在文廟戟門右萬厯四年知縣薛居方

建縣志祀後唐李愚宋張昭遠李之純李之儀元齊



秉節明甄實趙思本胡欽張偉張希達張問之陳

光大楊粹夫王巍宗維章

國朝胡璜崔養重劉夢楫

忠義孝弟祠 在城南隅 祀明劉其醇

國朝劉揮劉世祿

節孝祠

後附十一頁

卷三十四終

天津府屬祀典博議

前因重修府志祀典理應備載姓名而前志及州縣志多闕因檄府學與各屬按照牌位錄呈已據以入志矣今加考覈始見無一齊備者而府祠之不安爲尤甚據府學錄呈名宦祠近人十六位已與天津縣祠大同小異至鄉賢祠明人近人共十位竟全同縣是則府幾成爲附郭一縣所獨而非七屬所共其亟應更正固無可疑以愚見審定

府祠所應祀者張總督

存仁

李總督

蔭祖

熊學政

伯龍

王巡撫

登聯

朱總督

昌祚

金巡撫

世德

趙總

兵良棟 朱守道宏祚 于巡撫成龍 魏尙書象樞 格

巡撫格爾古德 于巡撫成龍 郭巡撫世隆 邵守道

嗣堯 李巡撫光地 許侍郎汝霖 案東華錄未載

一 趙巡撫宏發 莽鹽政莽鵠立 方總督觀承 陸費

布政璵 石知府贊清 曾總督國藩 此二十二位必

無異議者也以外七屬自祀之賢牧令等若彙祀

於府非必不可第覺太多且有一方獨戴之院守

各官其功德既非普及七屬又非切近郡治世代

荒遠難稽其實既有各屬祠自祀則府祠誠可不

設矣惟此二十二位則除魏尙書莽鹽政止祀於

天津縣許侍郎止祀於津青靜三縣外其十九位  
乃各屬所皆不可闕宜檄令補設齊備以合於彼  
所獨祀者前惟鹽山滄州所祀尙畧得半如靜海  
南皮直至一位不見幾不知大典爲何蓋牧令奉  
檄見爲無關考成輒弁髦之但觀會文正之閱二  
十年而無一祠遵設牌位者以前概可類推矣又

宦績吳按察廷棟傳末渾云祀名宦今查檔案只

應在省城與河間而他郡不興焉若滄州尙有沈

巡撫朝聘宦績無傳慶雲尙有辟道柱斗胡知府

文柏案此據儒學錄呈至宦績傳內俱未言祀  
縣志崔本僅列十人蓋未備

則無徵不信而有舉莫廢量度取中只可等諸一方獨戴之古人聽其存於彼而不及他處耳至於各位次序則惟有不序尊卑而序任年先後蓋非若此不能免子先父食之失也外有昔曾建專祠者此必有當於彼時人心而今祠已圯再造莫籌似應別龕設位附祀非然則竟成不血食矣又有守土殉難之員如明季青縣錢知縣珍附祀矣而其後任常知縣惺則未祀南皮陳知縣虞裔張教諭拱霍滕訓導善國鹽山陳知縣誌耿教諭維直又皆未祀至河閒顏知府孕紹亦未悉彼郡祠已

祀否也近人則慶雲任典史鼎靜海江知縣安瀾

滄州孫巡檢文驄鹽山杜知縣恩祿陳典史爾魯  
案

未有傳亦皆應附祀者也

府鄉賢祠應博取各屬所祀而合祀之亦無可疑  
前致偏倚挂漏若此者必因初設府時倉猝近取  
一邑而後遂沿習不察耳惟各州縣所祀亦有未  
盡善者天津自明迄今共十一人明鄭海王紹慶  
應歸孝悌倪尙志未有傳只見選舉青縣共分兩  
列計十五人前八人末之孝子賈文清亦以祀孝  
為合案其傳亦未載從祀後七人之祀由曲為周  
此初次考覈所未及

旋既先聲言之矣靜海共止八人如王正志

附見其子

士麟傳

亦甯可祀忠也滄州所祀自漢及今爲數最

多然鮑氏刁氏與明王翱皆鹽山人北齊李鉉

南皮

失位正

唐賈耽

鄭餘慶撰神道碑雖作清池人然共三世孫珙南皮人則碑難據

高適

故里爲今夜珠高莊

宋賈黃中皆南皮人李之純慶雲

人蓋因州先直隸於省有三屬縣視府具體而微

故合祀其屬縣諸人今已與各縣並爲府屬自應

移祀於府而州不得復有若依舊則兩傷矣又近

人并百文襄而祀之亦殊失當蓋駐防不爲部民

且八旗別有通志故州縣志之誤錄應刪

此徐主政初稿

所見甚是但未聲明又選舉  
有刪之不盡者今再覈刪除此則所存亦止十

七人而其中明人呂璨趙杲張瓚亦皆見選舉而

未有傳也南皮所祀始周尹吉甫荒遠難稽前人

夙有疑議今志人物斷自漢始更可弗論則古今

共十七人

雋不疑與滄州複不計應補北齊李鉉并計

鹽山自漢迄明

共十二人慶雲自五代迄今共十八人

亦據錄呈在縣志止

八此三縣諸人皆有傳或附見尙無所闕合計七

屬約可百人此外有見爲宜祀而未祀者因名宦

與鄉賢之典皆重必須上請覈議非可由下論定

則姑舍是



若夫忠孝節義前志雖標其名今府學實無其祠  
固可不論至各屬所祀則未盡有過於鄉賢者諸  
傳下已間存其說與此互參乃明各屬惟天津滄  
州別有昭忠祠足濟學宮祀忠之窮蓋應祀忠者  
昔本甚少自頻經寇難始覺不勝悉祀矣旣別建  
昭忠祠則分屬亦應權度適當愚見以爲立功他  
方而死綏死勤者仍以忠臣祀於學宮凡爲捍衛  
鄕里外籍弁兵附之與夫在官在籍以死明志者別祀於  
昭忠蓋學宮一祠共祀四項皆爲土著不得襍外  
籍而昭忠祠可不拘此也其未別建之縣則外籍

員弁只可附於名宦本籍死難多人不勝一一設位權宜之計只有總設一位以附於祀忠其婦女則祀於節孝節烈自同不待言矣孝悌之實惟善養難爲程度若舍生以犯難與廬墓刲股讓產等事皆顯有可校前人得祀後不應遺矣至義行一項如百年前之滄與百年內之津皆以腴區特多愚見以爲宜據能久可大兩義爲斷其他瘠土則未及此者已甚鮮能非可概論但此爲最難衡定故止論已舉行者之漏否其久未舉行之區不敢以愚見先焉諸例既定然後可衡各屬之得失

天津之祀忠明止一股尙質應補趙克忠明季殉難指揮

見職官近人已祀者王鏞牌書鄒縣丞陳康年牌書侯選從九

俱無傳可證惟周天命王顯謨隋光啟金光筋無

疑議其籌防之梁寶常汪彭吳士俊戰死之徐亨

佛爾齊之春謝樂善賈兆霖王寶慶趙錫朋薄通

王五尙應補同死之蕭濱等十二員并見人物徐亨下又義勇十七名見薄通下王鏞陳康年

亦擬合殉難之余作新陳成烈于壯圖于慶光張

衣敏均應移入昭忠祠亦應補金本朱式璟田彬

俱見梁逢壽見父寶常傳內也祀忠則應補周大倫章潮

王鴻儀縣志祀昭忠祠反應移歸陸樟徐堉張秉銳穆大本田

履安田椿徐世郁繆逢恩喬書年李鈺孫大鵬黃

應文黃樸也孝悌之祀明已有鄭海倪維城梅應

文

王紹慶在鄉賢應歸此

應補張海倪鸞王珠梅應卜梅開

運近人已祀楊國柱邱景華陳珍楊文光王文運

王晏清楊葆森張春元李瑞璋姜宗義劉國慶曹

天祿趙濬趙錫朋應補繆文璧

犯難

韓大佩李永凝

俱死難

查為義王光祖盧元璠宋真儒張虎拜

俱廬墓

李接芳張伯琛孫明新張玉琨趙世裕趙恩鑣曹

鶴升胡澄

俱封股

朱光觀劉鐸查體勤

俱達尋

如邢玟

沈鵬鳴王登舉朱大成于秉鈞

俱善養

亦甚難能也

義行已祀朱天成劉得甯亦各有傳獨義夫朱光熙一無可徵則尤縣志之失耳

青縣之祀忠義只明姚氏五人俱有傳而忠如何

陽春死李崇德李長春俱同上見孝如某孝子水

張奉劉孔安楊圯張清寶文清俱廬墓義如張景亮

近人則忠如陳元璐楊芳春俱死姚廷佐禦孝如

閻氏三子陳煦黃廷葵義如張猴公劉兆麟俱未

祀又咸豐年死難之姚文彬同治年之陳式典等

八十四人與張鵬霄等諸士民俱載亦應附也

靜海前無祀忠如宋吳及直明于鑑護實足當之

近人已祀王正志王士麟應補岳汝吉

此見殉難  
惜未提歸

人卽團練死難杜駟等諸士民亦應一律附祀

俱載奈獨有邊允誠邊鋒

此得祀而  
又不入志

乃大失矣祀

孝悌者明王廷試周斐李桂蕃李夢周蕭汝厚于

乾朱朝李吳李邦喬李鳳來陳壽蓋廷訓董廷講

劉池俱經考正尙應補張進德

犯難

周一念向化

水死

近人已祀李世銘閻應極李萬清鄭廉善俱有傳

尙有高恆懋

讓官

蕭士範劉潤

俱廬墓

劉永和何永貴

王者瑞

俱刳股

徐二喜

死難

劉伯壘馬保恆

俱幼

王者

龍王夢臣常富禮劉學文高義輔劉蔭楠任兆乾

等諸人則不但未祀且多未旌義行如張夢蓮侯  
清泰宋慶泰亦庶幾焉

滄州忠義孝悌之祀除照鄉賢例應移去各縣鮑  
宣巴肅刁協刁義張喪氏以外應存者忠則漢苑

康宋田京元楊秉明卓敬朱用錦應補唐高元裕

高沐宋邢希載明盛存仁盛存義與朱用  
錦同守其元人

攸哈刺拔都牌書河東兵馬大元帥此雖事蹟無

徵理應移歸名宦者也近人則應補張槐王樞王

式和葉憐英此新從殉難  
提歸人物四人其前殉難之劉鳳

巢等二千二百餘人後秦光甲等一千二百餘

想必悉祀於昭忠矣已祀孝悌者北魏高諒唐高  
崇文許法慎朱廷玉朱廷金邊鳳舉孫楚信鄭士  
才劉賢朱廖人俊胡元興崔諒明李觀光孫淪李  
治王煥孫登俊子弟呂世祚王填惟居末之于立  
事蹟無徵應補祀者惟五代張建立近人已祀呂  
詠張光潛于一龍劉植于昌耀張伯謙萬紹曾俱  
有傳未祀者李瑤臧人傑龐宣德吳大用楊干祥  
孫模山俱舍生劉受材劉受福同典身劉漢弼李泰鳳  
陳奉敕徐世祿程英李某馬士驥郭某張靜堂于  
文炳張慶俱廬墓劉成胡金誠石璞吳傑李重光呂



長泰姜昌蔣麟文

俱判股

張廷芝李蔚林戴中興戴

志誠宋吉祥楊天德李復白

俱遠尋

于映斗况名世

俱代弟

傅廷俊劉若鼎樊世翼王夢篆

俱讓

王吉甫郭

九宋恩命閻二頓六林二任兆乾

俱極善養

諸人所行

皆難能而可貴有過於已祀各人者義行已祀者

金榮楫明趙昇

此青縣亦載而未祀

李思賢楊時蕃周達仁

劉存備王顯仁戴世德惟居末之祝祥只見選舉

而無傳舊州志祀典所載并無其名與于立殆皆

後請從祀乎亦應補五代趙玉

存孤

也近人已祀衛

其傑張文元劉清樑滕德厚未祀者朱鼎王應命

張爾銳吳中衡李一鼐駱遇皋戴唯董清標王大慶馮養靜呂中箴郭開基楊清蘭之清張稅棠竇兆奎程毓藻諸人此張吳李與衡同事而祀一遺三董清標等與滕同事而祀一遺十前後皆不均之甚亟宜補正者也

南皮之祀忠鮑宣鮑永已歸鹽山鄉賢可不必複近人首以常考祥次吳士祥牌書忠義考前志縣志俱無二人事蹟其下高鳳台等十七人則俱死擒寇之難者然縣志所載同死姓名不止倍蓰雖其末云祀忠義祠而錄呈牌位只十七人此十七

人又非領袖不解其約略刺取之故要之必不可

姑仍挂漏原文亦載殉難應審提綱領設總位以

統括之又應補明陳應武近人張芝馨俱死張鍊

死也孝悌已祀明張謐知縣錄呈作孝子考傳侯不相應若歸忠義載合

守正張文桂吳推已張三省惟居末之張漢全無

可徵只有康熙癸丑滄州鹽籍武進士前志州志

同此姓名其舉人科分又未詳意非卽此人矣應

補王世顯劉仲仁俱廬辛進孝封張耀近人已

祀張如椒王一良張甫未祀者白德崇尋高步雲

尹模俱讀張益封宮文燦克也義行之祀近人張

永清有傳而崔景謨事蹟文全無徵未祀者有明張朝棟近人高星孫成貴也

鹽山前無祀忠止有近人遲伯堦然如明于廷陳

會鉉

俱死難

劉自然

扞寇

近人王慶元

死勤

趙雲舫郭鵬

彪

俱死綏亦載殉難惜未提歸人物

何愧焉其同治七年團練殉

難之劉日芎等三千六百餘人亦應附祀祀孝悌

亦未上及鮑昂只有明路建邦猶應補趙巡代父王

界王建極李騰蛟李春早鄭惟倫孫文安

俱廬墓

趙

獻廷劉才盛

俱判股

又祀王文楨兄弟分列鼎革前

後繼以劉振基王璫縣志注云王文棟王璫通志

府志俱載祀鄉賢審此二人固應移歸鄉賢卽王  
文楨劉振基亦以在彼爲較合矣近人未祀者有  
張世英張酌陳六賈魁元王澤溥趙越王九良張  
經楊廷選韓以德劉啞子李香蓉李應瑜姜名山  
王音槐潘道南張清輝劉恪侯張雲廬高玉峰等  
諸人孝行未易一一義行已祀明李瑄冀本趙邦  
指名要皆能人所難

智傳燧王尙緒劉宗良近人未祀者亦有王遇極

王化明韓秉仁李士晉賈瑋王敬業張文沛

慶雲只有明劉其醇祀孝近人劉揮劉世祿祖孫

祀忠然近人多有應補者忠則李尙賢張三成

俱死

難

陳喜崔光笏

俱死

並團練殉難之張瑣等諸士

民也孝悌如丁重新陳森賈生才馮經世陳枏馬

煌王夢瑞胡德羣義行如崔槿胡時雍亦皆難能

矣

凡此四者因從祀須先補旌雖未似鄉賢之難要

亦未可過多故茲第舉其尤若皆已旌則卽如節

孝婦女之悉祀無不可矣

惟唐初棣州人任敬臣徐文亮各州縣志不載

鹽山志且略辨其舊志誤錄考沿革門隋唐間棣州曾涉於郡南鄙則前人非全無據故人物仍存兩人惟究應祀何地未能考實不敢臆斷只得闕如夫俎豆之事關於勸善

方今津門爲三輔大帥戲下非但儼似劇郡稱首

其所宜興宜革豈無急於此而願沾沾者修書之職存焉耳觀於鹽山志名宦鄉賢皆言之而未卽舉又可見所能亦盡於昌言固莫必其行與止矣